

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 5 DISEMBER 2023, PUKUL 10.00 PAGI

Bil. 30

PERTANYAAN-PERTANYAAN BAGI JAWAB LISAN

1. PN-1523-L10034
Datuk Wira Dr. Mohd Hatta bin Md Ramli minta **MENTERI PEMBANGUNAN KERAJAAN TEMPATAN** menyatakan langkah menyeluruh Kerajaan dalam menyelesaikan masalah pembaziran makanan di samping memperkenalkan sistem pengurusan sisa makanan dengan lebih baik.
2. PN-1523-L09973
Datuk John Ambrose minta **MENTERI BELIA DAN SUKAN** menyatakan keberkesanan Program Rakan Muda serta maklum balas peserta daripada program tersebut.
3. PN-1523-L10518
Dato' Haji Husain bin Awang minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh mana keberkesanan Program Jerayawara KASIH KPWKM@Advokasi Antigangguan Seksual yang dilancarkan terutamanya bagi mengelakkan gangguan seksual di rumah dan tempat kerja.
4. PN-1523-L09827
Tuan Abun Sui Anyit minta **MENTERI PENGANGKUTAN** menyatakan apakah peranan yang akan dimainkan oleh Kerajaan Persekutuan setelah MASWings Sdn Bhd di bawah Malaysia Aviation Group diambil alih Hornbill Skyways Sdn Bhd.

5. PN-1523-L10095
Datuk Dr. Haji Azhar bin Ahmad minta **PERDANA MENTERI** menyatakan langkah-langkah yang diambil bagi membantu golongan belia atau lepasan universiti untuk mendapatkan peluang pekerjaan dalam sektor Kerajaan sedangkan umur persaraan wajib bagi penjawat awam adalah berusia 60 tahun.
6. PN-1523-L10467
Tuan Nik Mohamad Abduh bin Nik Abdul Aziz minta **MENTERI PELANCONGAN, SENI DAN BUDAYA** menyatakan apakah strategi Kerajaan untuk menerima sasaran ketibaan pelancong antarabangsa sempena Tahun Melawat Malaysia 2026 dan perlu bersaing di rantau Asia Pasifik.
7. PN-1523-L09911
Datuk Seri Hajah Zurainah binti Musa minta **MENTERI PEMBANGUNAN USAHAWAN DAN KOPERASI** menyatakan impak program 'online one-stop business advisory' di bawah MYAssist MSME dari segi bilangan usahawan mengikut tahun dan negeri dan apakah inisiatif yang dilakukan oleh Kementerian dalam menguar-uarkan perkara ini di dalam komuniti SME secara menyeluruh.
8. PN-1523-L10251
Tan Sri Dato' Low Kian Chuan minta **MENTERI KEWANGAN** menyatakan :-
 - (a) jumlah cukai daripada Program Khas Pengakuan Sukarela pada tahun terkini; dan
 - (b) anggaran hasil daripada Cukai Keuntungan Modal atas pelepasan saham korporat yang tidak disenaraikan dan kutipan Cukai Barangan Mewah.
9. PN-1523-L10466
Dr. Wan Martina binti Wan Yusoff minta **MENTERI PENDIDIKAN** menyatakan sejauh manakah perancangan pendigitalan pendidikan dan apakah persediaan untuk mengurangkan jurang pendidikan bagi murid bandar dan luar bandar yang tidak mendapat akses tersebut.
10. PN-1523-L10216
Datuk Seri Dr. Mujahid bin Yusof minta **PERDANA MENTERI** menyatakan status kedudukan kewangan Tabung Haji dan sejauh manakah kelestarian pentadbiran Tabung Haji untuk menghadapi cabaran-cabaran mendatang.

11. PN-1523-L10410

Dato' Sivaraj A/L Chandran minta **MENTERI KOMUNIKASI DAN DIGITAL** menyatakan apakah langkah yang telah diambil oleh Kementerian untuk menyelesaikan aduan pengguna terhadap masalah rangkaian telefon bimbit yang tidak jelas dan kurang memuaskan beberapa kawasan di Kuala Lumpur.

12. PN-1523-L10083

Tuan Seruandi bin Saad minta **MENTERI PELABURAN, PERDAGANGAN DAN INDUSTRI** menyatakan kesediaan Kementerian bagi mengkaji semula prosedur operasi standard (SOP) dan peraturan berkaitan permit import bagi kemasukan kenderaan berkuasa kuda (cc) rendah seperti 660cc bagi membolehkan rakyat mempunyai pilihan untuk memiliki kereta yang berharga rendah.

13. PN-1523-L09931

Dato' Dr. Ahmad Azam bin Hamzah minta **MENTERI PENDIDIKAN** menyatakan :-

- (a) statistik peningkatan kes buli yang berlaku di sekolah-sekolah terutamanya bilangan kes buli yang berlaku pada tahun ini; dan
- (b) usaha-usaha yang diambil Kementerian untuk mengatasi masalah ini.

14. PN-1523-L09881

Datuk Wira Koh Nai Kwong minta **MENTERI PENGANGKUTAN** menyatakan pelan tindakan terbaharu Kementerian untuk mengawal dan mengurangkan bilangan kenderaan berdaftar yang mencecah 33.08 juta agar kesesakan jalan raya dan pencemaran udara dapat dikurangkan dan penggalakan terhadap penggunaan mod pengangkutan awam.

15. PN-1523-L10111

Dato' Sri Ti Lian Ker minta **MENTERI PEMBANGUNAN KERAJAAN TEMPATAN** menyatakan pertimbangan Kementerian dalam merangka semula polisi pemilikan tanah yang lebih telus di Kampung Baru Cina khusus demi keadilan para penduduk dan berapakah jumlah permohonan pemilikan kekal oleh penduduk yang telah diluluskan sehingga kini.

16. PN-1523-L09855
Datuk Razali bin Idris minta **MENTERI PERTANIAN DAN KETERJAMINAN MAKANAN** menyatakan pelan intervensi dan kajian dapatan untuk mempertingkatkan taraf hidup nelayan hasil bantuan kerajaan setiap tahun dalam belanjawan menerusi pemberian subsidi dan insentif elaun sara hidup, hasil tangkapan nelayan, penyediaan pukot dan bot serta pembinaan baharu termasuk membaik pulih rumah nelayan.
17. PN-1523-L09891
Datuk Haji Aziz bin Ariffin minta **MENTERI PENDIDIKAN TINGGI** menyatakan adakah pihak Kementerian bercadang untuk mewajibkan semua universiti memberikan kelonggaran pembayaran penuh yuran pendaftaran terhadap siswa baharu memandangkan kos kemasukan ke institusi tersebut serta harga barangan keperluan yang lain kian meningkat.
18. PN-1523-L10016
Datuk Mohd Hisamudin bin Yahaya minta **PERDANA MENTERI** menyatakan adakah Kerajaan bercadang memberikan elaun khas kepada pegawai Suruhanjaya Pencegahan Rasuah Malaysia (SPRM) yang bertaraf Gred 41 ke atas berikutan bebanan tugas mereka yang memerlukan komitmen yang sangat tinggi terutama bagi unit risikan dan siasatan.
19. PN-1523-L10510
Dato' Haji Husain bin Awang minta **MENTERI KEWANGAN** menyatakan usaha Kerajaan untuk mengurangkan hutang atau defisit negara selain daripada meningkatkan Cukai Perkhidmatan serta memperkenalkan Cukai Barangan Bernilai Tinggi seperti yang dinyatakan dalam pembentangan Belanjawan 2024.
20. PN-1523-L10346
Dato' Ahmad bin Dato' Sri Hj. Ibrahim minta **MENTERI PENDIDIKAN** menyatakan adakah terdapat inisiatif daripada Kementerian untuk menambah baik sukatan pelajaran subjek Pendidikan Seks dengan memasukkan elemen terkini dengan perkembangan teknologi dan kecanggihan kecerdasan buatan iaitu AI (*Artificial Intelligence*).
21. PN-1523-L10482
Dr. Wan Martina binti Wan Yusoff minta **MENTERI PERPADUAN NEGARA** menyatakan berapakah bilangan perpustakaan desa di Kelantan dan berapakah yang lengkap dengan kemudahan prasarana digital. Apakah program-program yang dilaksanakan oleh perpustakaan desa dalam meningkatkan perpaduan, jati diri dan semangat cintakan negara.

22. PN-1523-L10393

Datuk Paul Igai minta **MENTERI PENGANGKUTAN** menyatakan apakah kriteria yang mesti dipenuhi syarikat MyAirline untuk mendapatkan lesen perkhidmatan udara (ASL) dan mengapa operasi syarikat itu diberhentikan.

23. PN-1523-L10005

Tuan Manolan bin Mohamad minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah latihan yang diberikan kepada renjer hutan sebelum mereka berkhidmat dan kelengkapan yang akan diberikan untuk menjaga keselamatan diri.

24. PN-1523-L10316

Tuan Mohd Hasbie bin Muda minta **MENTERI KOMUNIKASI DAN DIGITAL** menyatakan langkah yang diambil oleh Kerajaan untuk mengawal laman-laman pornografi yang di Malaysia.

25. PN-1523-L10401

Dato' Sivaraj A/L Chandran minta **MENTERI KESIHATAN** menyatakan apakah langkah yang diambil oleh pihak Kementerian untuk menangani isu kekurangan nutrisi dalam kalangan kanak-kanak yang berusia lima tahun dan ke bawah yang dilaporkan mengalami kekurangan nutrisi yang sederhana dengan peningkatan sebanyak 0.1 peratus iaitu dari 1.3 peratus pada 2021 ke 1.4 peratus pada 2022, seperti mana dinyatakan di dalam Statistik Kanak-Kanak Malaysia 2023 yang diterbitkan Jabatan Perangkaan Malaysia (DOSM).

26. PN-1523-L10567

Tuan Musoddak bin Ahmad minta **MENTERI KEWANGAN** menyatakan adakah Kementerian bercadang untuk membentangkan undang-undang bagi menangani kes perjudian dalam talian yang semakin berleluasa.

27. PN-1523-L10149

Dato' Sri Vell Paari A/L Tun Samy Vellu minta **MENTERI PENGANGKUTAN** menyatakan adakah pihak Kementerian akan membantu penumpang-penumpang yang telah ditipu oleh pihak MyAirline atau pun hanya membiarkan penumpang berhubung terus dengan pihak MyAirline dan bank-bank yang terlibat sahaja.

28. PN-1523-L10535

Datuk Dr. Dominic Lau Hoe Chai minta **MENTERI PENDIDIKAN** menyatakan adakah Kementerian mempunyai sebarang pendekatan dalam merangka subjek teras (kurikulum) khusus untuk pengajian berkaitan demokrasi, kenegaraan, hak asasi manusia dan Perlembagaan Persekutuan di peringkat sekolah menengah.

29. PN-1523-L09960

Datuk John Ambrose minta **MENTERI KESIHATAN** menyatakan adakah pihak Kementerian berhasrat untuk memperluaskan klinik kesihatan bergerak di seluruh negara termasuk kawasan luar bandar dan pedalaman Sabah dan Sarawak dan berapakah bilangan klinik kesihatan bergerak yang sedia ada sehingga kini.

30. PN-1523-L10257

Dato' Shamsuddin bin Haji Abd Ghaffar minta **MENTERI DALAM NEGERI** menyatakan apakah langkah-langkah pencegahan yang dilaksanakan oleh pihak Kerajaan mengenai kemasukan pendatang asing tanpa izin ke negara ini dan apakah tindakan penguatkuasaan terhadap pendatang asing yang berniaga tanpa kebenaran.

31. PN-1523-L10001

Datuk Wira Dr. Mohd Hatta bin Md Ramli minta **MENTERI PERTANIAN DAN KETERJAMINAN MAKANAN** menyatakan :-

- (a) hala tuju Kerajaan dalam menggiatkan usaha untuk mengembangkan industri *urban farming* ataupun pertanian bandar; dan
- (b) adakah Kerajaan bersedia memberi insentif kepada para pengusaha pertanian bandar untuk mengembangkan sektor berkenaan.

32. PN-1523-L10613

Dato' Kesavadas A/L A.Achyuthan Nair minta **MENTERI KESIHATAN** menyatakan statistik kes buli yang melibatkan kakitangan sektor kesihatan awam yang dilaporkan setakat Oktober 2023 dan bagaimanakah Kementerian melaksanakan pambanterasan gejala buli yang boleh memberi impak negatif kepada keharmonian persekitaran kerja dan motivasi seseorang pelatih perubatan dan kakitangan baharu.

33. PN-1523-L10314

Datuk Lim Pay Hen minta **MENTERI PEMBANGUNAN KERAJAAN TEMPATAN** menyatakan butiran perancangan terbaharu Kementerian dalam menyediakan pelan induk bagi membangunkan dan memodenkan Kampung Baru Cina dalam landskap yang lebih baik.

34. PN-1523-L10068

Dr. Lingeshwaran A/L Dato' Seri R. Arunasalam minta **PERDANA MENTERI** menyatakan :-

- (a) sebab mengapakah program pembasmian miskin tegar bawah Unit Transformasi Masyarakat India Malaysia (MITRA) untuk ahli isi rumah berbangsa India hanya tertumpu di Wilayah Persekutuan Kuala Lumpur sahaja; dan
- (b) apakah petunjuk-petunjuk untuk mengukur inisiatif-inisiatif yang dijalankan bawah program ini bagi memastikan program ini berkesan.

35. PN-1523-L10138

Datin Ros Suryati binti Alang minta **MENTERI BELIA DAN SUKAN** menyatakan :-

- (a) pelaksanaan terkini dalam usaha untuk mentransformasikan Pendidikan dan Latihan Teknikal dan Vokasional (TVET) pelajar Institut Kemahiran Tinggi Belia Negara (IKTBN) untuk memenuhi permintaan industri; dan
- (b) adakah benar pelajar IKTBN ini dianggap sebagai kelas ketiga TVET berbanding pelajar Kolej Komuniti, Politeknik, Institut Kemahiran MARA dan GiatMARA.

36. PN-1523-L10369

Tuan Roderick Wong Siew Lead minta **MENTERI PERTANIAN DAN KETERJAMINAN MAKANAN** menyatakan :-

- (a) jumlah projek Taman Agro (Agropark) di Sarawak telah dibina dan yang masih dalam pembinaan; dan
- (b) apakah fungsi utama Taman Agro (Agropark) ini dan bagaimanakah ia akan membantu para petani.

37. PN-1523-L10449

Tuan Nik Mohamad Abduh bin Nik Abdul Aziz minta **MENTERI KESIHATAN** menyatakan apakah pandangan awam mengenai Inisiatif Generasi Penamat (GEG) dan apakah langkah-langkah untuk menjayakan pelaksanaan polisi GEG.

38. PN-1523-L10622
Dato' Kesavadas A/L A.Achyuthan Nair minta **MENTERI PERTANIAN DAN KETERJAMINAN MAKANAN** menyatakan zon-zon penanaman padi yang menjadi penyumbang dalam penghasilan beras putih tempatan yang dikatakan akan mencapai sasaran bekalan 450,000 tan metrik pada hujung tahun ini dan apakah kaedah penggalak yang dilaksanakan untuk mencapai kadar penghasilan beras yang optimum dengan permintaan pasaran.
39. PN-1523-L10112
Datuk Noraini binti Idris minta **MENTERI PEMBANGUNAN USAHAWAN DAN KOPERASI** menyatakan usaha TEKUN untuk terus memberikan bimbingan dan latihan kepada usahawan desa terutamanya melibatkan ibu tunggal dan apakah jalinan kerjasama antara agensi yang ada bagi menarik penyertaan golongan berkenaan.
40. PN-1523-L09847
Datuk Razali bin Idris minta **MENTERI KEWANGAN** menyatakan jumlah royalti minyak atau Wang Tunai Petroleum (WTP) yang diterima oleh Kerajaan Terengganu setakat ini dan adakah Kerajaan Pusat bersedia untuk mengurangkan lagi pemotongan hutang 25 peratus kepada kadar yang lebih munasabah.
41. PN-1523-L10197
Dato' Juhanis binti Abd Aziz minta **MENTERI PERTANIAN DAN KETERJAMINAN MAKANAN** menyatakan sama ada Kerajaan telah mengenal pasti strategi untuk meningkatkan pengeluaran hasil tanaman bagi mengurangkan kebergantungan kepada makanan import.
42. PN-1523-L10283
Tuan Jaziri Alkaf Abdillah Suffian minta **MENTERI PENDIDIKAN** menyatakan rancangan Kerajaan untuk meningkatkan jumlah guru terlatih untuk mengatasi masalah kekurangan guru khususnya di Sarawak.
43. PN-1523-L09862
Datuk Teo Eng Tee @ Teo Kok Chee minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan bagaimanakah Kerajaan dapat mengurangkan kebergantungan tenaga kepada sumber asli yang tidak boleh diperbaharui seperti arang batu.

44. PN-1523-L10344

Dato' Ajis bin Sitin minta **PERDANA MENTERI** menyatakan inisiatif Kerajaan untuk menyelesaikan masalah parkir di kawasan perumahan sekitar Kuala Lumpur yang sangat sesak pada masa sekarang sehinggakan berlaku budaya 'cop' petak parkir tepi jalan untuk dijadikan tempat parkir persendirian dengan meletak tanda seperti kon, pasu bunga, tong sampah, tin cat kosong dan sebagainya.

45. PN-1523-L10129

Datuk Noraini binti Idris minta **MENTERI PEMBANGUNAN WANITA, KELUARGA DAN MASYARAKAT** menyatakan :-

- (a) sejauh manakah sektor swasta dan awam di seluruh negara benar-benar mengadaptasi amalan pambanterasan gangguan seksual seperti yang digariskan dalam Akta Antigangguan Seksual 2022; dan
- (b) bentuk kerjasama yang dijalinkan dengan sektor pekerjaan swasta untuk meningkatkan kepekaan terhadap akta tersebut.

46. PN-1523-L10265

Tan Sri Dato' Low Kian Chuan minta **MENTERI PEMBANGUNAN KERAJAAN TEMPATAN** menyatakan langkah-langkah yang akan diambil untuk menyeragamkan semua peraturan dan garis panduan antara majlis perbandaran dan majlis daerah.

47. PN-1523-L09923

Datuk Seri Hajah Zurainah binti Musa minta **MENTERI DALAM NEGERI** menyatakan garis panduan terkini bagi pihak polis dalam penyiasatan kemalangan trafik. Memandangkan terdapat peningkatan penggunaan *dashcam*, bolehkah pihak Kementerian mempertimbangkan penambahbaikan Prosedur Operasi Standard (SOP) siasatan untuk memastikan polis mengambil tindakan terhadap kenderaan yang menyebabkan kemalangan walaupun tidak terlibat dalam kemalangan tersebut.

48. PN-1523-L09869

Datuk Teo Eng Tee @ Teo Kok Chee minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah perkembangan terkini rancangan mengimplementasikan dasar larangan eksport bahan mentah nadir bumi.

49. PN-1523-L10490
Tuan Haji Hussin bin Ismail minta **MENTERI PERTANIAN DAN KETERJAMINAN MAKANAN** menyatakan status pelaksanaan aktiviti penyelidikan dan pembangunan yang dijalankan Kementerian berkenaan jenis padi yang tahan kemarau serta kajian pembangunan baka akuakultur yang mempunyai daya tahan menghadapi perubahan iklim.
50. PN-1523-L10320
Tuan Jaziri Alkaf Abdillah Suffian minta **MENTERI PERLADANGAN DAN KOMODITI** menyatakan apakah perancangan jangka masa pendek dan jangka masa panjang Lembaga Kenaf dan Tembakau Negara (LKTN) untuk penanaman secara besar-besaran di Malaysia.
51. PN-1523-L10526
Datuk Dr. Dominic Lau Hoe Chai minta **PERDANA MENTERI** menyatakan adakah Kerajaan mempunyai sebarang peranan atau campur tangan termasuk menapis Laporan SUHAKAM agar ia menepati kehendak imej politik.
52. PN-1523-L10420
Puan Noorita binti Sual minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah perancangan Kerajaan bagi membantu dan memperkasakan ketua rumah tangga (house husband) di Malaysia khususnya dalam soal penjagaan anak, kerja-kerja rumah dan mewujudkan kemahiran sampingan dalam meningkatkan pendapatan memandangkan pada masa sekarang peranan lelaki mulai berubah.
53. PN-1523-L10268
Dato' (Dr.) Arman Azha bin Abu Hanifah minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah usaha yang diambil oleh pihak Kementerian dalam menangani isu banjir kilat di sekitar bandar raya Kuala Lumpur yang menyebabkan imej bandar raya Kuala Lumpur kian merosot dengan fenomena banjir kilat yang tiada kesudahan.
54. PN-1523-L09982
Tuan Manolan bin Mohamad minta **MENTERI PELANCONGAN, SENI DAN BUDAYA** menyatakan adakah Kerajaan berhasrat untuk menaik taraf tasik semula jadi terbesar di Malaysia iaitu Tasek Bera sebagai salah satu daya tarikan pelancongan bertaraf antarabangsa.

55. PN-1523-L10433
Datuk Haji Mustafa bin Musa minta **MENTERI PEMBANGUNAN USAHAWAN DAN KOPERASI** menyatakan fokus pembangunan ekonomi berasaskan platform pasaran digital dan bagaimana Kerajaan menangani lambakan barangan dari luar negara yang bakal merencat keluaran barangan pengusaha Perusahaan Mikro, Kecil dan Sederhana (PMKS) tempatan.
56. PN-1523-L09954
Dato Dr. Nuing Jeluing minta **MENTERI PERTANIAN DAN KETERJAMINAN MAKANAN** menyatakan apakah langkah-langkah Kementerian yang terperinci untuk memastikan keperluan bekalan beras tempatan mencukupi memandangkan berlaku bekalan yang tidak mencukupi yang membebankan rakyat dan boleh mengancam keselamatan negara baru-baru ini.
57. PN-1523-L10362
Dato' Ahmad bin Dato' Sri Hj. Ibrahim minta **MENTERI BELIA DAN SUKAN** menyatakan apa perancangan Kementerian dalam memperkasakan sukan permotoran di Sarawak.
58. PN-1523-L10051
Dr. Lingeshwaran A/L Dato' Seri R. Arunasalam minta **MENTERI PEMBANGUNAN KERAJAAN TEMPATAN** menyatakan sama ada Pihak Berkuasa Tempatan (PBT) boleh menyumbang sejumlah peratusan hasil cukai PBT kepada fasiliti-fasiliti kesihatan Kerajaan yang memberikan perkhidmatan kesihatan kepada lokaliti tersebut untuk membantu dari aspek pembaikan, pemeliharaan dan naik taraf fasiliti-fasiliti yang usang dan daif.
59. PN-1523-L10181
Dato' Sri Vell Paari A/L Tun Samy Vellu minta **MENTERI PENDIDIKAN** menyatakan berapakah jumlah peruntukan yang telah disalurkan oleh Kementerian kepada Sekolah Jenis Kebangsaan Tamil (SJKT) di seluruh negara bagi tahun 2023.
60. PN-1523-L10293
Tuan Mohd Hasbie bin Muda minta **MENTERI KEWANGAN** menyatakan strategi dan usaha yang diambil oleh Kerajaan untuk mengukuhkan nilai mata wang Ringgit berbanding Dolar Amerika Syarikat (USD).

ATURAN URUSAN MESYUARAT DAN USUL-USUL

- | | | | |
|----|-----------------|---|--------------------------|
| 1. | (D.R.31/2023) | Rang Undang-Undang Perbekalan 2024 -
Menyambung semula Perbahasan atas masalah “Bahawa Rang Undang-undang ini dibacakan kali kedua sekarang”.

(4 Disember 2023)

[Menteri Kewangan] | Bacaan Kali Kedua |
| 2. | (D.R.36/2023) | Rang Undang-Undang Kewangan (No.2) 2023

[Menteri Kewangan] | Bacaan Kali Kedua |
| 3. | (D.R.33/2023) | Rang Undang-Undang Syarikat (Pindaan) 2023

[Menteri Perdagangan Dalam Negeri dan Kos Sara Hidup] | Bacaan Kali Kedua |
| 4. | (D.R.42/2023) | Rang Undang-Undang Kawalan Produk Merokok Demi Kesihatan Awam 2023

[Menteri Kesihatan] | Bacaan Kali Kedua |
| 5. | (D.R.26/2023) | Rang Undang-Undang Makanan (Pindaan) 2023

[Menteri Kesihatan] | Bacaan Kali Kedua |
| 6. | (D.R.40/2023) | Rang Undang-Undang Suruhanjaya Hak Asasi Manusia Malaysia (Pindaan) 2023

[Menteri di JPM (Undang-undang dan Reformasi Institusi)] | Bacaan Kali Kedua |
| 7. | (D.R.28/2023) | Rang Undang-Undang Kecekapan dan Konservasi Tenaga 2023

[Menteri Sumber Asli, Alam Sekitar dan Perubahan Iklim] | Bacaan Kali Kedua |
| 8. | (D.R.29/2023) | Rang Undang-Undang Bekalan Elektrik (Pindaan) 2023

[Menteri Sumber Asli, Alam Sekitar dan Perubahan Iklim] | Bacaan Kali Kedua |

9. **Usul dibuat oleh Menteri Ekonomi dan masalah dicadangkan :-**

"(a) **BAHAWA** Dewan ini,

memahami akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

mendukung aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

menyokong usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh; dan

menyeru semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

(b) **BAHAWA** dalam meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD.69 Tahun 2023 iaitu Kertas Putih Cadangan Dasar Gaji Progresif."

[Menteri Ekonomi]

**RISALAT-RISALAT YANG DIBAWA KE DALAM MESYUARAT
(DEWAN NEGARA)**

<u>TAHUN 2023</u>	<u>RISALAT/DOKUMEN</u>	<u>TARIKH DIBENTANGKAN</u>
ST. 218	Laporan Tahunan dan Penyata Kewangan Yayasan Tun Razak (YTR) Bagi Tahun 2022	5 Disember 2023
ST. 221	Laporan Tahunan dan Penyata Kewangan Pihak Berkuasa Wilayah Pembangunan Iskandar Bagi Tahun 2021	5 Disember 2023
ST. 223	Laporan Tahunan dan Penyata Kewangan Lembaga Pelabuhan Bintulu dan Lembaga Pelabuhan Labuan Bagi Tahun 2021	5 Disember 2023
ST. 226	Laporan Tahunan dan Penyata Kewangan Kumpulan Wang Persaraan (Diperbadankan) Bagi Tahun 2021	5 Disember 2023
ST. 227	Laporan Tahunan dan Penyata Kewangan Lembaga Penilai, Pentaksir, Ejen Harta Tanah dan Pengurus Harta Bagi Tahun 2020	5 Disember 2023
ST. 228	Laporan Tahunan dan Penyata Kewangan Institut Penyelidikan Perhutanan Malaysia (FRIM) Bagi Tahun 2022	5 Disember 2023